



Llywodraeth Cymru
Welsh Government

Hysbysiad Gwybodaeth Cyllid Myfyrwyr Cymru

SFWIN 01/2024

Dynodi cyrsiau addysg uwch yn awtomatig

Chwefror 2024

Mae'r Hysbysiad Gwybodaeth hwn ar gyfer prifysgolion, colegau addysg bellach a darparwyr eraill sy'n darparu cyrsiau addysg uwch. Mae'r wybodaeth yn esbonio ac yn egluro'r amodau sydd i'w bodloni er mwyn i gwrs addysg uwch gael ei ddynodi'n awtomatig ar gyfer cymorth statudol i fyfyrwyr.

1. Cefndir

- 1.1 Mae'r rheoliadau cymorth i fyfyrwyr¹ yn nodi'r gofynion rheoliadol ar gyfer dynodi cwrs israddedig neu ôl-raddedig, a ddarperir gan sefydliad neu ddarparwr arall, at ddibenion cymorth statudol i fyfyrwyr cymwys sy'n preswyllo fel arfer yng Nghymru.
- 1.2 Mae dau fath o ddynodiad cwrs: (i) dynodiad awtomatig a (ii) dynodiad penodol.
- 1.3 Mae'r wybodaeth isod yn nodi'r amodau ar gyfer dynodi cwrs addysg uwch yn awtomatig. Os oes angen rhagor o wybodaeth arnoch am ddynodiad penodol a sut i wneud cais, gweler [SFWIN 08/2020 Polisi ar gyfer dynodi cwrs penodol](#).
- 1.4 Dynodir cwrs yn awtomatig (at ddibenion cymorth statudol i fyfyrwyr) **dim ond** os yw'r sefydliad neu'r darparwr arall yn bodloni'r gofyniad a grynhoir yn adran 2 (lle bo'n berthnasol) ac yn bodloni'r amodau perthnasol (a nodir ym mharagraffau 3.1, 3.2 neu 3.3).
- 1.5 Gallai'r trefniadau ar gyfer dynodi cyrsiau newid yn y dyfodol o ganlyniad i [Ddeddf Addysg Drydyddol ac Ymchwil \(Cymru\) 2022](#)

2. Sefydliadau a darparwyr eraill

- 2.1 Er mwyn gallu gwneud cais am Gymorth Myfyrwyr Statudol Llywodraeth Cymru, rhaid i'r myfyriwr fod yn mynychu Cwrs Dynodedig.
- 2.2 Mae angen i sefydliadau a darparwyr eraill sydd am i'w cyrsiau addysg uwch gael eu dynodi'n awtomatig, fel y gall eu myfyrwyr gael mynediad at gymorth myfyrwyr, gael cynllun ffioedd a mynediad ar waith a gymeradwyir gan Gyngor Cyllido Addysg Uwch Cymru² (CCAUC). Nid yw hyn yn cynnwys cyrsiau ôl-raddedig nad ydynt yn ddarostyngedig i gynllun ffioedd a mynediad o dan [Ddeddf](#)

¹ [Rheoliadau Addysg \(Cymorth i Fyfyrwyr\) \(Cymru\) 2017](#), fel y'u diwygiwyd; [Rheoliadau Addysg \(Cymorth i Fyfyrwyr\) \(Cymru\) 2018](#), fel y'u diwygiwyd; [Rheoliadau Addysg \(Cymorth i Fyfyrwyr\) \(Graddau Meistr Ôl-raddedig\) \(Cymru\) 2019](#), fel y'u diwygiwyd; [Rheoliadau Addysg \(Benthyciadau Gradd Ddoethurol Ôl-raddedig\) \(Cymru\) 2018](#), fel y'u diwygiwyd

² Bydd CCAUC yn cael ei ddisodli gan y Comisiwn Addysg Drydyddol ac Ymchwil o 1 Awst 2024.

[Addysg Uwch \(Cymru\)](#). Hefyd, nid yw cyrsiau rhan-amser yn ddarostyngedig i drefniadau cynllun ffioedd a mynediad ar hyn o bryd.

- 2.3 O dan adran 2 o Ddeddf Addysg Uwch (Cymru) 2015 ("Deddf 2015"), caiff corff llywodraethu sefydliad yng Nghymru sy'n darparu addysg uwch, ac sy'n elusen, wneud cais i CCAUC i gymeradwyo cynllun ffioedd a mynediad arfaethedig sy'n ymwneud â'r sefydliad.
- 2.4 Serch hynny, gall darparwyr addysg uwch nad ydynt yn ystyried eu hunain yn "sefydliad" o dan Ddeddf 2015 neu sy'n ansicr ynghylch eu statws fel "sefydliad", ddymuno i'w cyrsiau addysg uwch gael eu dynodi gan reoliadau cymorth i fyfyrwyr. Gallant wneud cais i Weinidogion Cymru am gael eu dynodi'n sefydliad at ddiben gwneud cais i CCAUC ar gyfer cymeradwyo cynllun ffioedd a mynediad. Mae rhagor o wybodaeth am y broses ymgeisio i ddarparwyr gael eu dynodi'n 'sefydliad' yn y [Canllawiau i ymgeiswyr sy'n dymuno cael eu dynodi'n sefydliadau at ddibenion Deddf Addysg Uwch \(Cymru\) 2015](#).

3. Cyrsiau dynodedig

Cyrsiau israddedig - amodau

3.1 Mae cwrs yn gwrs dynodedig os yw'n bodloni pob un o'r amodau canlynol:

3.1.1 Mae'r cwrs yn **un** o'r canlynol:

- a) cwrs gradd gyntaf;
- b) cwrs ar gyfer y Diploma Addysg Uwch;
- c) cwrs Diploma Cenedlaethol Uwch (HND) neu Dystysgrif Genedlaethol Uwch (HNC) a ddyfernir naill ai gan y Cyngor Addysg Busnes a Thechnoleg (BTEC) neu Awdurdod Cymwysterau'r Alban (SQA);
- d) cwrs ar gyfer y Dystysgrif Addysg Uwch;
- e) cwrs ar gyfer hyfforddiant cychwynnol i athrawon;
- f) cwrs o hyfforddiant pellach i weithwyr ieuencid a chymunedol;
- g) cwrs i baratoi at arholiad proffesiynol o safon sy'n uwch na'r canlynol:
 - arholiad safon uwch ar gyfer y Dystysgrif Addysg Gyffredinol neu arholiad lefel uwch ar gyfer Tystysgrif Addysg yr Alban; neu

- arholiad ar gyfer y Dystysgrif Genedlaethol neu'r Diploma Cenedlaethol a ddyfernir gan BTEC neu SQA cyn belled nad yw gradd gyntaf (neu gymhwyster cyfatebol) fel arfer yn ofynnol ar gyfer mynediad i'r cwrs;

h) cwrs sy'n darparu addysg (p'un a yw i baratoi at arholiad ai peidio) y mae ei safon yn uwch na safon cwrs a grybwyllir ym mharagraff (g) ond nad yw'n uwch na safon cwrs gradd gyntaf, ac nad oes angen gradd gyntaf (neu gymhwyster cyfatebol) fel arfer i gael mynediad iddo.

3.1.2 Mae'r cwrs **naill ai'n** gwrs llawnamser, yn gwrs rhyngosod, neu'n gwrs rhan-amser.

3.1.3 Mae hyd y cwrs yn un flwyddyn academiaidd o leiaf.

3.1.4 Os yw'r cwrs yn un **llawnamser a ddechreuodd cyn 1 Awst 2019**, a chaiff ei ddarparu:

- a) gan sefydliad a reoleiddir yng Nghymru, darparwr Seisnig gwarchoddedig, sefydliad a gyllidir gan yr Alban neu sefydliad a gyllidir gan Ogledd Iwerddon (p'un ai ar ei ben ei hun neu ar y cyd â sefydliad sydd y tu allan i'r Deyrnas Unedig);
- b) gan elusen³ ar ran sefydliad a reoleiddir yng Nghymru; neu
- c) ar ran darparwr Seisnig gwarchoddedig gan sefydliad a oedd yn sefydliad a ariennid gan arian cyhoeddus cyn 1 Awst 2019.

3.1.5 Os yw'r cwrs yn un **llawnamser sy'n dechrau ar neu ar ôl 1 Awst 2019**, a chaiff ei ddarparu gan:

- a) sefydliad a reoleiddir yng Nghymru, sefydliad a reoleiddir yn Lloegr, sefydliad a gyllidir gan y Alban neu sefydliad a gyllidir gan Ogledd Iwerddon (p'un ai ar ei ben ei hun neu ar y cyd â sefydliad sydd y tu allan i'r Deyrnas Unedig);
- b) elusen (gweler troednodyn 3) ar ran sefydliad a reoleiddir yng Nghymru (drwy drefniant is-gontractio); neu
- c) sefydliad cofrestredig yn Lloegr ar ran darparwr cynllun yn Lloegr (drwy drefniant is-gontractio).

3.1.6 Os yw'r cwrs yn un **rhan-amser a ddechreuodd cyn 1 Awst 2019**, a chaiff ei ddarparu gan sefydliad a oedd yn sefydliad a ariennid yn gyhoeddus cyn 1 Awst 2019 (p'un ai ar ei ben ei hun neu ar y cyd â sefydliad sydd y tu allan i'r Deyrnas Unedig).

³ Yn yr ystyr a roddir gan adran 1 o [Ddeddf Elusennau 2011](#)

3.1.7 Os yw'r cwrs yn un **rhan-amser** sy'n **dechrau ar neu ar ôl 1 Awst 2019**, a chaiff ei ddarparu gan:

- a) sefydliad a gyllidir gan Gymru, sefydliad a gyllidir gan yr Alban, sefydliad a gyllidir gan Ogledd Iwerddon neu sefydliad a reoleiddir yn Lloegr (p'un ai ar ei ben ei hun neu ar y cyd â sefydliad sydd y tu allan i'r Deyrnas Unedig); neu
- b) sefydliad cofrestredig yn Lloegr ar ran darparwr cynllun yn Lloegr (drwy drefniant is-contractio).

3.1.8 Mae o leiaf hanner yr addysgu a goruchwyliaeth sy'n ffurfio'r cwrs yn cael ei ddarparu yn y Deyrnas Unedig.

3.1.9 Mae'r cwrs yn arwain at ddyfarniad a ddyfernir neu sydd i'w ddyfarnu gan gorff sy'n dod o fewn cwmpas adran 214(2)(a) neu (b) o [Ddeddf Diwygio Addysg 1988](#) oni bai bod y cwrs yn Ddiploma Cenedlaethol Uwch neu'n Dystysgrif Genedlaethol Uwch a ddyfernir gan BTEC / SQA, neu'n gwrs hyfforddiant cychwynnol i athrawon.

3.1.10 Darperir diffiniad o sefydliadau yn [Atodiad A](#). At ddibenion paragraffau 3.1.4 i 3.1.7:

- a) mae cwrs yn cael ei ddarparu gan sefydliad os yw'n darparu'r addysgu a'r oruchwyliaeth sy'n ffurfio'r cwrs, p'un a yw'r sefydliad wedi ymrwymo i gytundeb â'r myfyriwr i ddarparu'r cwrs ai peidio;
- b) bernir bod prifysgol, ac unrhyw goleg cyfansoddol mewn prifysgol, neu sefydliad cyfansoddol sydd o natur coleg mewn prifysgol, yn sefydliad addysgol cydnabyddedig os yw naill ai'r brifysgol neu'r coleg neu'r sefydliad cyfansoddol yn sefydliad addysgol cydnabyddedig;
- c) nid yw sefydliad yn cael ei ystyried yn sefydliad a ariennir yng Nghymru neu'n sefydliad a ariennir yn gyhoeddus dim ond oherwydd bod y sefydliad, os dechreuodd y cwrs cyn 1 Awst 2019, yn sefydliad cysylltiedig⁴ a dderbyniodd daliad⁵ perthnasol cyn y dyddiad hwnnw; neu bod y sefydliad, os yw'r cwrs yn dechrau ar neu ar ôl 1 Awst 2019 yn sefydliad cysylltiedig sy'n derbyn taliad perthnasol.

3.1.11 Fodd bynnag, nid yw cwrs yn gwrs dynodedig os yw'n:

- a) gwrs a ddilynir fel rhan o gynllun hyfforddi athrawon ar sail cyflogaeth⁶;

⁴ Yn ystyr adran 65(3B) o [Ddeddf Addysg Bellach ac Uwch 1992](#)

⁵ Taliad o'r cyfan neu ran o unrhyw grant, benthyciad neu daliad arall gan gorff llywodraethu sefydliad a ddarperir i'r sefydliad cysylltiedig yn unol ag adran 65(3A) o Ddeddf Addysg Bellach ac Uwch 1992.

⁶ Mae cynllun hyfforddi athrawon ar sail cyflogaeth yn golygu naill ai:

- a) cynllun a sefydlir gan Weinidogion Cymru o dan reoliad 8 o [Reoliadau Addysg \(Cymwysterau Athrawon Ysgol\) \(Cymru\) 2004](#) neu o dan reoliad 8 o [Reoliadau Cymwysterau Athrawon Ysgol \(Cymru\) 2012](#), sy'n caniatáu i berson ymgymryd â hyfforddiant cychwynnol athrawon er

neu'n

- b) gwrs sy'n dod o fewn paragraff 3.1.1(g) neu (h) os yw corff llywodraethu ysgol a gynhelir⁷ wedi trefnu i'r cwrs gael ei ddarparu i un o ddisgyblion yr ysgol.

Cyrsiau meistr ôl-raddedig - amodau

3.2 Mae cwrs meistr ôl-raddedig yn gwrs dynodedig os yw'n bodloni pob un o'r amodau canlynol:

3.2.1 Mae'r cwrs yn arwain at ddyfarniad a ddyfernir neu sydd i'w ddyfarnu gan gorff sy'n dod o fewn adran 214(2)(a) neu (b) o Ddeddf Diwygio Addysg 1988 ac mae'r addysgu a'r oruchwyliaeth sy'n ffurfio'r cwrs wedi'u cymeradwyo gan y corff hwnnw.

3.2.2 Mae'r cwrs yn **un** o'r canlynol:

- a) cwrs llawnamser am flwyddyn neu ddwy flynedd academaidd; neu
- b) gwrs rhan-amser y gellir ei gwblhau fel arfer mewn hyd at pedair blynedd academaidd.

3.2.3 Mae'r cwrs wedi'i ddarparu gan:

- a) sefydliad a gyllidir gan Gymru, sefydliad a gyllidir gan yr Alban, sefydliad a gyllidir gan Ogledd Iwerddon neu sefydliad a reoleiddir yn Lloegr (pa un ai ar ei ben ei hun neu ar y cyd â sefydliad sydd o fewn neu y tu allan i'r Deyrnas Unedig); neu
- b) sefydliad cofrestredig yn Lloegr ar ran darparwr cynllun yn Lloegr (drwy drefniant is-gontractio).

3.2.4 Mae o leiaf hanner yr addysgu a'r oruchwyliaeth sy'n ffurfio'r cwrs yn cael eu darparu yn y Deyrnas Unedig.

3.2.5 At ddibenion paragraff 3.2.3:

- a) mae cwrs yn cael ei ddarparu gan sefydliad os yw'n darparu'r addysgu a'r goruchwyllo sy'n ffurfio'r cwrs, p'un a yw'r sefydliad wedi ymrwymo i gytundeb â'r myfyriwr i ddarparu'r cwrs ai peidio;

mwyn ennill statws athro cymwysedig tra bo'n cael ei gyflogi i addysgu mewn ysgol a gynhelir, ysgol annibynnol neu sefydliad arall ac eithrio uned cyfeirio disgyblion; neu

- b) cynllun a sefydlir gan yr Ysgrifennydd Gwladol sy'n caniatáu i berson ymgymryd â hyfforddiant cychwynnol athrawon er mwyn ennill statws athro cymwysedig tra bo'n cael ei gyflogi i addysgu mewn ysgol, coleg dinas, Academi, ysgol annibynnol neu sefydliad arall ac eithrio uned cyfeirio disgyblion.

⁷ Ystyr "ysgol a gynhelir" yw ysgol gymunedol, ysgol sefydledig neu ysgol wirfoddol neu ysgol gymunedol arbennig neu ysgol sefydledig arbennig neu ysgol feithrin a gynhelir.

- b) ystyrir prifysgol ac unrhyw goleg neu sefydliad cyfansoddol yn natur coleg prifysgol yn sefydliad a ariennir gan Gymru, sefydliad a ariennir gan yr Alban, sefydliad a ariennir yng Ngogledd Iwerddon, sefydliad a reoleiddir yn Lloegr, sefydliad cofrestredig yn Lloegr, neu ddarparwr cynllun yn Lloegr, os yw'r brifysgol neu'r coleg neu'r sefydliad cyfansoddol yn sefydliad o'r fath;
- c) ni fernir bod sefydliad yn sefydliad a gyllidir gan Gymru dim ond am ei fod yn cael cyllid gan gorff llywodraethu sefydliad addysg uwch fel sefydliad cysylltiedig yn unol ag adran 65(3A) a (3B) o Ddeddf Addysg Bellach ac Uwch 1992.

3.2.6 Fodd bynnag, nid yw cwrs meistr ôl-raddedig yn gwrs dynodedig os caiff ei gydnabod fel cwrs dynodedig o dan unrhyw un o'r rheoliadau cymorth myfyrwyr eraill (gweler troednodyn 1).

Cyrsiau doethurol ôl-raddedig - amodau

3.3 Mae cwrs doethurol ôl-raddedig yn gwrs dynodedig os yw'n bodloni pob un o'r amodau canlynol.

3.3.1 Nid yw hyd y cyfnod cofrestru arferol ar gyfer y cwrs yn llai na thair blynedd academaidd nac yn fwy nag wyth mlynedd academaidd.

3.3.2 Os **dechreuodd y cwrs cyn 1 Awst 2019**, mae'n cael ei ddarparu gan sefydliad a oedd cyn 1 Awst 2019 yn sefydliad a gyllidir yn gyhoeddus (p'un ai ar ei ben ei hun neu ar y cyd â sefydliad arall o'r fath a gyllidir yn gyhoeddus neu sefydliad sydd y tu allan i'r Deyrnas Unedig);

3.3.3 Os yw'r cwrs yn **dechrau ar neu ar ôl 1 Awst 2019**, mae'n cael ei ddarparu gan:

- a) sefydliad a gyllidir gan Gymru, sefydliad a gyllidir gan yr Alban, sefydliad a gyllidir gan Ogledd Iwerddon neu sefydliad a reoleiddir yn Lloegr (p'un ai ar ei ben ei hun neu ar y cyd â sefydliad sydd o fewn neu y tu allan i'r Deyrnas Unedig); neu
- b) sefydliad cofrestredig yn Lloegr ar ran darparwr cynllun yn Lloegr.

3.3.4 Mae'r cwrs yn cael ei ddarparu i raddau helaeth yn y Deyrnas Unedig.

3.3.5 Mae'r cwrs yn arwain at radd ddoethuriaeth a ddyfernir neu sydd i'w ddyfarnu gan gorff sy'n dod o fewn cwmpas adran 214(2)(a) neu (b) o Ddeddf Diwygio Addysg 1988; ac mae'r addysgu a'r oruchwyliaeth wedi'u cymeradwyo gan y corff hwnnw.

3.3.6 At ddibenion paragraffau 3.3.2 i 3.3.4:

- a) mae cwrs yn cael ei ddarparu gan sefydliad os yw'n darparu'r addysgu a'r oruchwyliaeth sy'n ffurfio'r cwrs, p'un a yw'r sefydliad wedi ymrwymo i gytundeb â'r myfyriwr i ddarparu'r cwrs ai peidio;
- b) mae cwrs yn cael ei ddarparu i raddau helaeth yn y Deyrnas Unedig pan fo o leiaf hanner yr addysgu a'r oruchwyliaeth sy'n ffurfio'r cwrs yn cael eu darparu yn y Deyrnas Unedig;
- c) bernir bod prifysgol ac unrhyw goleg neu sefydliad cyfansoddol sydd o natur coleg prifysgol yn cael eu cyllido'n gyhoeddus os yw naill ai'r brifysgol neu'r coleg neu'r sefydliad cyfansoddol yn cael ei chyllido neu ei gyllido'n gyhoeddus;
- d) nad yw sefydliad yn cael ei ystyried yn sefydliad a ariennir yn gyhoeddus neu'n sefydliad a ariennir yng Nghymru dim ond oherwydd bod y sefydliad, os dechreuodd y cwrs cyn 1 Awst 2019, yn sefydliad cysylltiedig a dderbyniodd daliad perthnasol cyn y dyddiad hwnnw; neu bod y sefydliad os yw'r cwrs yn dechrau ar neu ar ôl 1 Awst 2019, yn sefydliad cysylltiedig sy'n derbyn taliad perthnasol;
- e) ni fernir bod cwrs yn cael ei ddarparu ar ran sefydliad addysgol a gyllidir yn gyhoeddus pan fo rhan o'r cwrs yn cael ei darparu gan sefydliad preifat.

3.3.7 Fodd bynnag, nid yw cwrs doethuriaeth ôl-raddedig yn gwrs dynodedig os caiff ei gydnabod fel cwrs dynodedig o dan unrhyw un o'r rheoliadau cymorth myfyrwyr eraill (gweler troednodyn 1).

4 System Rheoli Cyrsiau

4.1 Mae sefydliadau neu ddarparwyr eraill sydd am i fyfyrwyr ar eu cyrsiau addysg uwch allu gwneud cais am gymorth statudol i fyfyrwyr yn gyfrifol am sicrhau bod cyrsiau perthnasol yn cael eu dynodi yn unol â'r rheoliadau cymorth i fyfyrwyr **cyn** eu lanlwytho i System Rheoli Cyrsiau y Cwmni Benthyciadau Myfyrwyr.

4.2 Mae'r System Rheoli Cyrsiau yn gyfeiriadur diogel o ddarparwyr addysg uwch a'r cyrsiau israddedig ac ôl-raddedig llawnamser a rhan-amser y mae pob un ohonynt yn eu darparu. Mae'r System yn rhan annatod o broses ymgeisio Cyllid Myfyrwyr Cymru, ac mae'n caniatáu i fyfyrwyr ddewis eu cwrs dewisol o'r rhestr o gyrsiau sydd wedi'u lanlwytho at ddibenion asesu eu cymhwysra i gael cymorth statudol i fyfyrwyr.

4.3 **Nodyn pwysig:** os nad yw'r cyrsiau'n bodloni'r meini prawf dynodi ond eu bod wedi'u lanlwytho i'r System Rheoli Cyrsiau, bydd hyn yn arwain at dynnu'r holl hawliau cyllid myfyrwyr yn ôl ar gyfer y myfyrwyr hynny sydd wedi cysylltu eu cais am gyllid myfyriwr â chyrtsiau o'r fath. Bydd hyn yn rhoi myfyrwyr mewn sefyllfa ariannol anodd; efallai y gofynnir iddynt ad-dalu unrhyw arian a dalwyd iddynt ac fe allent, o ganlyniad, dynnu'n ôl o'r cwrs.

4.4 Ceir rhagor o wybodaeth am y System Rheoli Cyrsiau a sut i lanlwytho cwrs dynodedig ar [wefan HEP](#) y Cwmni Benthyciadau i Fyfyrywyr.

Atodiad A

Diffiniadau o sefydliadau

Sefydliad a gyllidir gan Gymru	sefydliad a gynhelir neu a gynorthwyir gan grantiau rheolaidd o gyllid a ddarperir gan Weinidogion Cymru
Sefydliad a reoleiddir yng Nghymru	sefydliad sydd â chynllun ffioedd a mynediad a gymeradwywyd gan Gyngor Cyllido Addysg Uwch Cymru o dan adran 7 Deddf Addysg Uwch (Cymru) 2015 tra mae'r cynllun hwnnw yn parhau mewn grym
Darparwr Saesnig gwarchoddedig	sefydliad a gynhaliwyd neu a gynorthwywyd gan grantiau rheolaidd yn unol ag adran 65 Deddf Addysg Bellach ac Uwch 1992 ar neu ar ôl 1 Awst 2018, ond cyn 1 Awst 2019, ac nad yw'n sefydliad a gynhaliwyd neu a gynorthwywyd gan grantiau rheolaidd gan Gyngor Cyllido Addysg Uwch Cymru
Sefydliad cofrestredig yn Lloegr	sefydliad a gofrestrwyd gan y Swyddfa Fyfyrrwyr
Sefydliad a reoleiddir yn Lloegr	sefydliad cofrestredig yn Lloegr sy'n ddarostyngedig i derfyn ffioedd o dan adran 10 Deddf Addysg Uwch ac Ymchwil 2017
Darparwr cynllun yn Lloegr	sefydliad cofrestredig yn Lloegr sydd â chynllun mynediad a chyfranogiad a gymeradwywyd gan y Swyddfa Fyfyrrwyr o dan adran 29 Deddf Addysg Uwch ac Ymchwil 2017 ac sy'n parhau mewn grym
Sefydliad a gyllidir gan yr Alban	sefydliad a gynhelir neu a gynorthwyir gan grantiau rheolaidd o gyllid a

	ddarperir gan Weinidogion yr Alban
Sefydliad a gyllidir gan Ogledd Iwerddon	sefydliad a gynhelir neu a gynorthwyir gan grantiau rheolaidd o gyllid a ddarperir gan Weithrediaeth Gogledd Iwerddon